

## ACETA MEDICATA.

## ACETUM ROSACEUM.

**Rx.** Rosarum rubrarum semi expansarum, sereno tem-  
pore collectarum, & demptis calicibus, per triduum  
in umbra exsiccatarum libram semi.  
Aceti optimi libras duodecim.

Insolentur per dies quindecim in vase vitreo ritè obtu-  
rato. Acetum cola, exprime fortiter & serva.

*simili modo parentur.*

Aceta florum Calendulæ,  
Caryophyllorum,  
Rorismarini,  
Salviæ,  
Sambuci,  
Dracunculi hortensis.

## ACETUM SCYLLITICUM.

**Rx.** Segmentorum Scyllæ albæ, eorum nempe, quæ sunt  
corticem inter & cor, filo trajectorum, & in um-  
bra per quadraginta dies siccatorum uncias octo  
Contundantur pistillo ligneo. Mittantur in lagenam,  
super affusis Aceti vini albi libris octo.

Vas ritè obturatum expone æstivo tempore radiis sola-  
ribus per quadraginta dies. Posthac cola. Prælo exprime,  
acetumque à facibus residendo expurgatum in lagenis di-  
ligenter occlusis serva.

## ACETUM THERIACALE.

**R.** Species Aquæ Theriacalis in hoc Codice descriptæ.  
 Fiat maceratio in loco calido, vel insolatio per  
 mensē in aceti optimi libris octo.  
 Cola & exprime fortiter.  
 In expresso solve Theriacæ uncias octo.  
 Macera per mensē in loco calido. Cola iterum, &  
 serua.



MELLITA.